

**Series : RQ3SP****SET~4****प्रश्न-पत्र कोड
Q.P. Code****38**

रोल नं.

Roll No.

--	--	--	--	--	--	--	--

परीक्षार्थी प्रश्न-पत्र कोड को उत्तर-पुस्तिका के मुख-पृष्ठ पर अवश्य लिखें।

Candidates must write the Q.P. Code on the title page of the answer-book.

**BODO**

निर्धारित समय : 3 घण्टे

Time allowed : 3 hours

अधिकतम अंक : 80

Maximum Marks : 80

नोट :

- (I) कृपया जाँच कर लें कि इस प्रश्न-पत्र में मुद्रित पृष्ठ 11 हैं।
- (II) प्रश्न-पत्र में दाहिने हाथ की ओर दिए गए प्रश्न-पत्र कोड को परीक्षार्थी उत्तर-पुस्तिका के मुख-पृष्ठ पर लिखें।
- (III) कृपया जाँच कर लें कि इस प्रश्न-पत्र में 7 प्रश्न हैं।
- (IV) कृपया प्रश्न का उत्तर लिखना शुरू करने से पहले, उत्तर-पुस्तिका में यथा स्थान पर प्रश्न का क्रमांक अवश्य लिखें।
- (V) इस प्रश्न-पत्र को पढ़ने के लिए 15 मिनट का समय दिया गया है। प्रश्न-पत्र का वितरण पूर्वाह्न में 10.15 बजे किया जाएगा। 10.15 बजे से 10.30 बजे तक परीक्षार्थी केवल प्रश्न-पत्र को पढ़ेंगे और इस अवधि के दौरान वे उत्तर-पुस्तिका पर कोई उत्तर नहीं लिखेंगे।

NOTE :

- (I) Please check that this question paper contains 11 printed pages.
- (II) Q.P. Code given on the right hand side of the question paper should be written on the title page of the answer-book by the candidate.
- (III) Please check that this question paper contains 7 questions.
- (IV) Please write down the Serial Number of the question in the answer-book at the given place before attempting it.
- (V) 15 minute time has been allotted to read this question paper. The question paper will be distributed at 10.15 a.m. From 10.15 a.m. to 10.30 a.m., the candidates will read the question paper only and will not write any answer on the answer-book during this period.

**General Instructions :**

Question paper is divided into 2 sections.

It has total 7 questions.

Section A : 3 questions no. 1 to 3.

Section B : 4 questions no. 4 to 7.

Attempt questions as per specific instructions.

Write question no. in answer book before attempting it.

सरासनस्रा बिथोन :

बे सौंथि बिलाइखौ मोननै बाहागोआव राननाय जादों।

बेयाव गासै मोन 7 सौंथिफोर दं।

खोनदो A : आव मोन 3 सौंथिफोर 1 निफ्राय 3 सिम

खोनदो B : आव मोन 4 सौंथिफोर 4 निफ्राय 7 सिम

होखानाय बिथोन बादियै सौंथिफोरखौ लिर।

फिननायखौ लिरनायनि सिगाडाव फिन बिलाइयाव सौंथि नंखौ लिर।

Section A/ खोनदो A

(Objective Type) / (गेबें फिन सायख'नाय)

1. गाहायाव होनाय सौंथिफोरनि गेबें फिनखौ सायख'ना लिर :

5×1=5

(i) थारजा एबा सोदोबनि उनाव गुबुन गुबुन सोदोबथि दिनथिनो जाय सिनफोरखौ फज'नाय जायो बेखौनो _____ बुडो।

(A) दाजाबदा

(B) थारजा दाजाबदा

(C) सोदोब दाजाबदा

(D) बेखेवफा

(ii) मावग्राया जायनि सायाव सोनारनानै खामानिखौ मावफुडो बेनो _____।

(A) मावग्रा मावरिजा

(B) मावफाग्रा मावरिजा

(C) मावजाग्रा मावरिजा

(D) सोमजायग्रा मावरिजा



- (iii) बर' रावाव गोबां बाथ्रा खोनदोबफोरनि बाहायनायखौ नुनो मोनो । 'सासु-मासु'वाबो बेनि मोनसे बिदिनथि । गाहायनि बबे मोनसेया बेनि गेबें फोरमायथि सायख' ?
- (A) नुफा-माफा
(B) खोनाहां खोनायाहां
(C) गोसो मोदोमै
(D) लाजिहां गिहां
- (iv) जाय दाजाबदाया बिसाननि सिगाडाव जनानै मुवा-जिराद, जिउ-जिबिनि अनजिमा, बिबां एबा महर मुस्रिखौ थारै दिनथियो बेखौनो _____ बुंनाय जायो ।
- (A) बेखेवफा दाजाबदा
(B) थि दिनथिग्रा दाजाबदा
(C) थारजा दाजाबदा
(D) सोदोब दाजाबदा
- (v) गाहायनि बबे मोनसेया 'बाला गुदुं गा'नि गेबें फोरमायथि :
- (A) मालायनि मोजांखौ नायनो हायि जा
(B) संसारनि सुखु दुखु मोनथि
(C) आगोर गैयि जा
(D) खैफोदाव गोग्लै

2. गाहायाव होनाय सोंथिफोरनि गेबें फिनखौ सायख'ना लिर :

10×1=10

- (i) “गोथां गाब गार्थोसै” खनथाइयाव खनथाइगिरिया ‘गोथां गाब’जों मा फोरमायनो नागिरदों ?
- (A) थैलांनो नागिरनाय
(B) सोमखोर जाना थानाय
(C) गोथां महर लानाय
(D) थांनानै थानाय



- (ii) संसारनि अननाया जेसेखि आंगो जाया
जेसे नोडो गोसो जिउ होसारथारा
हुरा-हुरानो जिबौ बादिनो बिनि सौनाया खारथारा ।
गोजौनि खनथाइ खलबखौ गाहायनि सोर सासे खनथाइगिरिया लिरदों सायख' ?
- (A) प्रम'द चन्द्र ब्रह्म
(B) मदाराम ब्रह्म
(C) निलकमल ब्रह्म
(D) नीलेश्वर ब्रह्म
- (iii) 'बेसे गोजोन बेसे गोजों' खनथाइयाव खनथाइगिरिया सोरनि हायना महरखौ बावगारनो हाया
होनना बुंदों ?
- (A) बिमानि हायना महरखौ
(B) इसोरनि हायना महरखौ
(C) अनजालिनि हायना महरखौ
(D) मिथिंगानि हायना महरखौ
- (iv) 'सम बेसम' खनथाइयाव 'दावहारु गराइ'जों खनथाइगिरिया मा फोरमायनो नागिरदों ?
- (A) दावहा नांनो थांनाय
(B) दावहा नांनाय गराइ
(C) गोख्रै खारथाइ
(D) रैखाथि गोनां
- (v) बुं दैखौ रुबला दैया बहा थाड
अन्थाइजं अन्थाइ बुजाबब्ला अर जड
अन्थायाव अर दड बेखौ छर बुंन ?
गोजौनि बे खनथाइ खलबा गाहायनि बबे देंसे खनथाइजों सोमोनदो गोनां सायख' ?
- (A) बेसे गोजोन, बेसे गोजों
(B) संसारनि अननाय
(C) छरखौ जं नायन बान
(D) मोनाबिलि



- (vi) 'मोनाबिलि' खनथाइयाव खनथाइगिरिया बबेयाव जिरायनानै मोनाबिलिनि हायना महरखौ नायहरबाय थार्दोमोन ?
- (A) गनीया दैमा सेरनि शुमबिलि बारियाव
(B) पुष दाननि रोमोदो दुबुलियाव
(C) लाइमोन सिख्लानि हादराव
(D) नांगोल भाडा दैमानि सेराव
- (vii) "दावदो दे दाव बर" हारि" खनथाइया गाहायनि बबे मोनसेजो सोमोनदो गोनां सायख' ?
- (A) रमान्टिक सानसि बेरखांनाय खनथाइ
(B) मिष्टिक सानसि बेरखांनाय खनथाइ
(C) हारि सिबिनाय सानसि बेरखांनाय खनथाइ
(D) दाहा फोरमायनाय खनथाइ
- (viii) गाहायनि बबे दोसे खनथाइखौ नन्देश्वर बर'वा लिरनाय सायख' ?
- (A) मोदै
(B) दावदो दे दाव बर' हारि
(C) गोथां गाब गार्थोसै
(D) संसारनि अननाय
- (ix) 'गोथां गाब गार्थोसै' खनथाइयाव जायगा मोननाय कालाहान्दिया गाहायनि बबे गंसे रायजोर्जो सोमोनदो गोनां ?
- (A) बिहार
(B) उत्तर प्रदेश
(C) उरिष्या
(D) राजस्थान



- (x) 'मोदै' खनथाइयाव खनथाइगिरिया 'आदाम-इभ'खौ मानि बिदिनथि महरै गायसननो नागिरदों ?
- (A) सुबुं सोरजिजेननाय जरासे गिबि सुबुं
- (B) जरासे मोदाइ-मोदाइजो
- (C) गोसोथोलायनानै जिउ जुलि लानो फेलें जानाय जरासे सेंग्रा-सिख्ला
- (D) जरासे गात्रि सुबुं एबा सयतान

3. गाहायाव होनाय सोंथिफोरनि गेबें फिनखौ सायख'ना लिर :

10×1=10

- (i) आलारि दामब्राया थप्ला फिसा बोनसाबनानै आफाखडाव एथेबना लानानै गोरजिया थानो
_____ नआव फैनायसै ।
- (A) बावबुलि राजानि
- (B) आसागि बैसागिनि
- (C) एहेम बोराइ आरो दे बुरैनि
- (D) खुरिया बोराइ आरो खुरिया बुरैनि
- (ii) मोदाइ-दावदाइ, बहुत-बिरायानो मानसिखौ बेराम-आजार जाबसिनना होयो साननाया मोनसे
_____ ।
- (A) सुबुं फोथायनाय
- (B) खोमसि फोथायनाय
- (C) फोरमान गोनां बिगियानारि साननाय
- (D) जुक्ति गोनां फोथायनाय



- (iii) 'बुथुवा थुंग्रि' सुंद' सल'वाव जायगा मोननाय 'आं'आ सोर ?
- (A) सल'गिरिया गावनो
(B) सागोर
(C) फरेस्ट अफिसार
(D) डेपुटि कमिसनार
- (iv) 'The Kachari Theory of Thunder and Lighting'आ 'An Outline Grammar of the Kachari (Baro) Language' बिजाबाव जायगा मोननाय दोसे मुंख'जाथाव सल'बाथा । बेखौ गाहायनि बबे दोसे बर' सल'बाथानिफ्राय इराजियाव राव सोलायनाय जादों ?
- (A) बिदा-बिनानावनि खुरां
(B) रावना-रावनिनि खुरां
(C) एम्बु बंग्लानि खुरां
(D) दैमा-दैसानि खुरां
- (v) गाहायनि बबे दोसे रायथाइया म'हिनी म'हन ब्रह्मवा लिरनाय ?
- (A) जारिमिन आरो बर' माहारि
(B) काछारनि हरिटिकर
(C) खेराइ मोसानायाव फावथिना नायबिजिरनाय
(D) बर' राव थुनलाइयाव प्रम'द चन्द्र ब्रह्मनि बिहोमा
- (vi) उमराव खेराइखौ गुबुन मा मुडै मिथिनाय जायो ।
- (A) मायनाव खेराइ
(B) बाथौ खेराइ
(C) आमथि खेराइ
(D) फालो खेराइ



- (vii) आदा पुवाराम, लोगो लोगो थांदों
गामसा हादों, फालि हादों, मानो बोरबदों ।
गोजौवाव मुंख'नाय बे खुगा मेथाइखौ गाहायनि बबे गांसे बिजाबाव मोननाय जायो ?
- (A) The Kacharis
(B) A Collection of Kachari Folk Tales and Rhymes
(C) An Outline Grammar of the Kachari (Baro) Language
(D) Linguistic Survey of India, Vol-III, Part-I
- (viii) प्रम'द चन्द्र ब्रह्मवा 1916 मायथाइयाव क'कराझारनि _____ गामियाव जोनोम
जादोंमोन ।
- (A) गदामारि
(B) रंपुर
(C) रौमारि
(D) तिपकाइ
- (ix) History of Assam बिजाबाव Sir Edward Gait आ कामरुपनि गिबिसिन राजानि
मुडा मा होनना बुंदों ?
- (A) नरक
(B) भगदत्त
(C) महीरङ्ग दानब
(D) शालस्तम्भ



- (x) कथक मोसानाया _____ मोसानाय ।
- (A) तान्दब आरो लास्य मोसानायनि गलायमोनदेर
- (B) तान्दब आरो भारत नात्यम मोसानायनि गलायमोनदेर
- (C) तान्दब आरो कथाकलि मोसानायनि गलायमोनदेर
- (D) भारत नात्यम आरो कथाकलि मोसानायनि गलायमोनदेर

Section B/ खोनदो B
(Descriptive Type)/ (बेखेवना लिरनाय)

4. गाहायाव होनाय सोंथिफोरनि सुंथाबै फिन लिर (20-25 सोदोबनि गेजेराव) : 5×2=10
- (i) असमिया रावखौ जौगाहोनो सोर सोर मिसनारिफोरा खामानि मावदोंमोन ?
- (ii) गोनोखोआरि गोसो होनोब्ला नों मा बुजियो ?
- (iii) प्रम'द चन्द्र ब्रह्मवा सुजुनाय लाइसिफोरा मा मा ?
- (iv) 'गोथां गाब गार्थोंसै' खनथाइयाव खनथाइगिरिया कालाहान्दिखौ मानो फबहैनायनि खोथा बुंदों ?
- (v) 'संसारनि अननाय' खनथाइयाव खनथाइगिरिया अननायखौ मानो थिखा मावनायजों रुजुदों ?



5. गाहायाव होनाय सोंथिफोरनि फिन लिर :

7×5=35

- (i) “मोनाबिलि” खनथाइयाव बेरखांनाय मिथिंगायारि सावगारिफोरनि सोमोनदै सावराय ।
- (ii) बर’ खनथाइयाव प्रम’द चन्द्र ब्रह्मनि बिहोमानि सोमोनदै सावराय ।
- (iii) बर’ रावनि थि फोरमायग्रा दाजाबदाफोरनि सोमोनदै सावराय ।
- (iv) “अनदला खारियाव आगान थाया ।” बाश्रा फावखौ फुवारना लिर ।
- (v) नोंसोरनि फरायसालियाव जानो गोनां फरायसालि सप्ताहनि थुनलाइयारि बादायलायनायफोरनि सोमोनदै बयखौबो मिथिहोनो सासे थुनलाइयारि नेहाथारि जानानै गांसे मिथिसार बिलाइ लिर ।
- (vi) समायनायारि बेसेन मोनदांथिनि गोनांथिनि सोमोनदै सावराय ।
- (vii) लाइमोन बैसो होनोब्ला नों मा बुजियो फरानि मददजों सावराय ।

6. गाहायाव होनाय फरा खोनदोखौ मोजाडै फराय आरो बे फरानि गुबै बाश्राखौ गावनि रावजों लिरफिन :

5

जिउखौ सुबुंनि बेसेननि जखा होनना लाजायो । साफ्रामबो सुबुडानो गावखौ गुवार गावदां सुबुंथियाव लांनो नाजानांगोन बेनो जादों सोदोमसि आरो हारिमुनि गाहाइ थांखि । जाय समाज, राजखान्थि एबा नेमखान्थिनि गेजेराव सुबुंनि थाखाय हेंथा गैयाजासे देरनायनि जेबो खाबु आरो आगोर गैया बे समाज राजखान्थि एबा नेमखान्थिखौ जोगारथाव । समाज आरो हादर, आइन आरो धोराम बेफोर सुबुंफोरनि थाखायनो । साफ्रामबो सुबुंनाव जोनोमजों लोगोसे इसोर हरखानाय अरखि थाखाया । बेनि बे अरखिखौ सानसे समाव जोंब्लावगोन होननानै आसा खालामनाय जायो । बे अरखिनि जोंब्लावनायनि जोंथिमायानो लासै लासै बेनि जिउ थसेनि आगानखौ दिन्थियो । जिवा जेब्लाबो मोनसे खारनायनि बादि, मोनसे दावहा एबा मोनसे जुजिनाय । बेयाव सुबुडा मालायखौ फेजेननानै गाव बारगनो नाजायो । जुजिनायनि बे हुदाया मानसिनि गोहोखौ फेहेरो आरो नाजानायखौ अरायबो बारायहोयो । सोलेर बिजिदगिरिफ्रा बेखौनो अहै जिराद, थांनो लुबैनाय आरो जाखांनो लुबैनाय होनना बुंदों । बिथांमोनहा बे जिरादखौनो मानसिनि “आं” होनना बुंदों । बे “आं” आनो जिउनि आसोल, दंनायमानि गोहो आरो देरहासाद मुंनि निज्रा । बे “आं”आ खनसे उन्दुबाथाय गुबै जिवा गोमोरखाबाय ।



7. गाहायाव होनाय खनथाइखौ गोसो होना फराय आरो खनथाइनि सार बाहागोखौ लिर :

5

सम जाबाय-

आंनि थांनायनि समा खाथि सौफैबाय ।

गोसोजों गोसो जोंहा मा गान्थि दंमोन,

मेगनजों मेगन जा मोसा नांहाबदोंमोन,

खेवनांसिगोन दालाय सम जाबाय ।

आय'! आलो उन्दुनाय यै देलाय

मिथिबाय ? नोडो मिथिबाय ?

नोंनि सिखोला बैसोनि मेगन बेसाडा,

मिनि सुलु-सुलु बालें जारौ गुस्थिया,

रुम्बां खानाइ, लाजिगुसु खावलाय जाब्रबआ

मानोबा आंखौ बोथाबबाय-

गान्थि खेवनायनि सम जाबाय

सान अखाफोर हाथर्खिया गोजों जाबाय ।

आंनि खोमसि लामाखौ बिसोरो सोरां होबाय;

थांनोसै सना थांनोसै आं,

हनै आंखौ थांनो लिंहरबाय-

गान्थि खेवनायनि समा जाबाय ।